



ԽԱԶԻԿ ԴԱՎՏԵՆՑ

ԳԱՐԱՍԱՎԻՆ ՑԵՐԳԵՐ

891.99
Դ-19

Պ հ ա զ ը ս տ ե ս
Հ ա ր ե պ ա ն
1 9 3 4

22 JUN 2007

19 NOV 2011


891.99 ugr
7-18

ԽԱԳԻԿ ԴԱՇՏԵՆՑ

ԳԱՐԵԱՆԱՑԻՆ ՅԵՐԳԵՐ

3625

1004
32033



Φ B S 2 P U S 1934 6 B P B V U V

28.03.2013

26948

Դիրքս նվիրում են
[REDACTED]
Երան գրական
20-ամյա մեծ ձանապարհին

Խ. ԴԱՇՏԵՆՅ

1933—34

ԳԵՂՄԱԿԱԲԵՐԻ 31—ՀՈՒՆԴՎԱՐԻ 1
ՑԵՐԿՎԱՆ

Պատ. լուս. [REDACTED]
ՏԵԽ. լուս.
Մարգրիտ Ա. Տ. Մկրտչյան
Հաստ. № 2993, Գլանիս № 8562 (Р)
Պատվեր № 182, Տիրամ 3000.
Հանձնած և առաջընթաց 10 հունիսի 1934 թ.
Առաջընթաց և տպիր 29 հունիսի 1934 թ.

Պուտուրատի տպարան, Երևան, Ալավերդյան, № 27

* * *

Պատանու պիս վագելով, յես հերին թողել եմ
Յուրաքանչյուր տողի տակ իմ հույզերից մի կը ակ.
Բայց խելագար, դիմ քամին առած բոցն ու շողերը
Ամբողջ յերգիս դաշտերով փոնել, սփռել են նրանց:

Յեկ վառվում են տողերս, և յերգելու վառվում են.
Զգույշ յեղիք, սիրելիս, այստեղ կրակ կա, կրակ.
Տես, տողերիս ճեղքերից բոցն ու ծուխը փովում են,
Նրանց տակից շողում են կրակները կարծրած:

Բարձրանում են առաջին բոցն ու ծուխը անբաժան,
Յեկ այրում են քո դեմքը. ո, հեռացիք, հեռացիք.
Այդ քամին ե, դիմ քամին, և' խելագար, և' դաժան,
Դոր բոցերը աջ ու ձախ շպրտում ե ցան ու ցիր:

Յեկ դեռ վորքան աշխատանք, և վորքան ջանք պիտ
լինի,
Վոր այդ ծուխը վիրանա և չծխա դեպի քեզ,
Յեկ բոցերը մնան շեկ, և վոչ մի ծուխ չլինի,
Յեկ դու յերգիս հատակում անծուխ կրակը տեսնես:

Տեսնես յերգիս բոցերը և այրումը լուսեղեն,
Համկանաս ինձ, զգաս ինձ, և ինձ ներես անդադար.
Յուրաքանչյուր տողի տակ, վորտեղ բոցեր են յեղել
Ծուխ ե յեղել, և' կը ակ, և' հանցավոր, և' արդար...

ԱՐԵԳԱԿ

ԱՐԵՎԻՆ

Հանդչում են մեկ-մեկ կտակույտ աստղերը,
Պղառը ջրերն են անզուսպ վարարում.
Ուռչում են յերգիս առագաստները.—
Արդեն դարձն ե, գարն ե, գարն...

Պարզում եմ ձեսքս, ով գարնան արև,
Յեվ կոմյերիտի սիրով անապակ
Վողջունում եմ քեզ գարել ու դաշել
Շողացն, վառվող անմեռ արեգակ.

Շողն, ով արև, ով գարնեն, ով կյանք,
Յեվ կուրծքս կիդիր, այրիր քո հրով.
Պարզում եմ ձեսքս, հզոր արեգակ
Պարզում եմ կյանքս յերգերով, սիրով...

Վեր սլացող ձիերի պայտերի պես հըացայտ,
Զեր յետելոց փոելով փայլակ փոշի ու կայծեր,
Դուք դոփելով թռչում եք ճանապարհով իմ անցած,
Ու չի մեռնում շողզողուն սմբակների ձայնը ձեր:

Յերբ նայում եմ դեպի յետ, լողում են ձեր շարքերը,
Յեկ մութի մեջ անդադար ձիեր, ձիեր հերարձակ,
Փայլիլում են մնացած ձեր շողզողուն դարկերը,
Զեր լուսավոր բաշերը՝ ջրվեժների պես արձակ:

Հանձնեցի ինձ ձեր վսեմ սլացումին ու վաղքին,
Առաք տարաք ինձ դեպի հովիտները նոր կյանքի.
Հուրեր բերիք ինձ համար, ու շունչ տվիք իմ բաղկին.
Յեկ դեռ թափով անդադար սլանում եք անհանդիսա:

Խոնվում եք իմ դռան և թվում ե խմբերով
Ու վոսկեգույն սանձերով ներս եք խուժում հերին.
Զեր կայծկլտուն պայտերը իմ հատակին խփելով,
Վրնջում եք կատաղի ու փախչում եք դեպի յետ:

Ո, վոսկեգույն իմ որեր, ո, նժույդներ կատաղի,
Ո, դոփեցեք միշտ այդպես, ո, դոփեցեք անհանդիսա,
Վոր յես լսեմ ձայնը ձեր պատուհանից ու թաղից,
Յեկ ափելի խանդավառ կապվեմ պայծառ այս կյանքին:

Ո՛, սիրում եմ քեզ, կյանք: Ո՛, իմ զլիի վերե
Մի յերկինք կա կապույտ, մի արև կա ինդուն,
Յեզ իմ հոգում անտափ ըերկրանքներ ու ուրեր,
Յեզ իմ սրառում կյանքի կարոտանքն և թնդում:

Ջըրնդում ե, զողում մի թովչություն անծայր,
Իմ աչքերում, սրառում, յերակներում այրվող,
Կարոտանքով, կրքով յեն սիրում եմ պայծառ
Այս աշխարհը, կյանքը, այս արեւը վառվող . . .

Վոզողելով կյանքս և փոփելով վարար
Քշում, տանում և ինձ հոգմանման մի խինդ,
Չկա, չկա վոչինչ իմ սրափ մեջ խավար,
Իմ կյանքի մեջ անլոյս, իմ աչքերում՝ մթին:

Ո՛, վոսկեգույն արև, ո, կյանք լիտհնչյուն,
Նոր աշխարհի պայծառ հերոսական ընթացք,
Վոր իմ սիրաը անմար շողերով ևս լցնում,
Ո՛, կյանք, ո՛, կյանք . . . կյանք . . .

Իմ լուսավոր որեր, լցրեք, լցրեք իմ մեջ
Զեր վոզեցունչ հուրը, մշտաբորբոք ու վաս,
Ո՛, սիրում եմ քեզ, կյանք, անհանդչելի, հավերժ,
Ակոնքներից ակունք վերափոխվող աշխարհ:

Ահա որը, արեգակը,
Յեկ աշխարհը այս բոցեղեն.
— Թէ ուզում եք ապրել կյանքում,
Այս աշխարհում ինդնւն յեղեք:

Յեկք փողոց, յեղեք վառման,
Նայեք գարնան, ծաղկին, շողին,
Յեկ ծծեցեք բույրը գարնան,
Շունչը վառված մեր նողին:

Միայն այստեղ, այստեղ միայն,
Միայն այստեղ պիտի ապրեք
Այս բոցեղեն, այս հրավառ
Յերկը հրով պիտի հարբեկ:

Պիտի փարվել այս լուսավոր,
Այս շողջողուն մոլորակին,
Յեկ հայացքով վաեմ ու բորբ
Պիտի նայել արեգակին:

Պիտի ձուլվել սիրով անդին
Ու հույզերով մակընթացող —
Այս հոյակապ հողագնդին
Յեկ որերին այս ընթացող:

Պիտի շողալ ու մաքառել
Յեկ աշխարհը փոխել սրով,
Յեկ աշխարհը բոցավառել
Աշխատանքի պայծառ սիրով:

Ո', Հաֆիզ. ահա գարել հետո,
Յերք արեգակն և կրկին ժպտում մարդուն,
Ծաղկած մի ծառի տակ, առվի ավին նստած,
Յես քո գարնանային յերգերն եմ կարգում:

Ո', թմրության, գինու կախարդական յերգիչ
Ահա ծաղկած ծառը, ահա գարուն,
Շուրջը փոած կայտառ աղմկաձայն քրքիչ,
Ծաղկած ծառի կողքով պատճում և առուն:

Կապույտ յերկինքը կա և կանաչներ թագիչ,
Յեկ կա կյանքը, կյանքը մեր՝ բոցեղեն, վառման,
Իսկ դուք չկ'աք, ո', դուք, Խայամ, Հաֆիզ,
Դուք, յերգիչներ գինու և լուսեղեն գարնան:

Դուք, վոր յերազեցիք, առվի ափին նստած,
Գինի խմել միայն, հարբել ծաղկանց բույրով,
Ծնվիլ ապրել կյանքում և սպառվել արբած
Ծաղկիներով, սիրով ու համբույրով:

Ո', դուք յերբեկից յերազեցի՞ք արդյոք,
Վոր մենք կպանք, Հաֆիզ, վոր մենք կպանք, կպանք,
Յեկ ձեր յերգած հողի և աշխարհի վրա
Կկառուցենք պայծառ, անզուգական մի կյանք:

Վոր կունենանք մենք սիրու՝ ավելի բորբ ու տաք,
Յեկ ավելի պայծառ, անանձնական հույզեր,
Յեկ ձեղանից խորունկ մենք կսիրենք կյանքը,
Յեկ կունենանք մենք սիրու, և կունենանք մենք սեր:

Վոր կահսնենք մենք եւ յերթը արեգակի,
Ծաղիկների կարմիր թերթիկները նըրին,
Յեկ առաներ վաղող, և արեներ անդին,
Դարնան ցողը նստած կանաչներին, թփին...

Բայց այդ ծաղիկներից և ցողերից բացի,
Մենք կախենք, Հաֆիզ, մաքառել ու կովել,
Յեկ խնդությամբ վառված, առանց արտասուքի
Շողշողալ ու պայծառ հաղթանակով մեռնել...

Վոր կախենք մենք վառ այս աշխարհը հիմքից
Բմբոստությամբ, ցասմամբ, մաքառումով փոխեր
Չեկ յերգերով մեր մեծ, մեր յերգերով անքիծ
Այս աշխարհը գալիք սերունդներին թողնել:

Վորովեսզի վառ մի որ, մի ծառի տակ նստած,
Ինչպես յես եմ նստել, ինչպես նստել ես դու,
Մեր ապագա զվարթ քաղաքացին, անցած
Մեր յերգերը կարդա այնքան հորդ ու խնդուն:

Կարդա հերոսական մեր պայքարի մասին,
Մեր որերի մասին, յերբ շաշել են սրեր,
Յեկ աշխարհը սիրի այնպիսի խոր սիրով,
Այնպիսի վառ սիրով, ինչպես մենք ենք սիրել

Բազում պոհաներ են քեզ աշխարհում յերգեր,
Յեկ յերգում են ելի,
Գարնուն, գարնուն ես դու, ո, դու, դվարթ արե,
Խնդությունով ես լի:

Յեկ դու, արե ես դու, հավետ բոցկլացող
Ով արեգակ պայծառ,
Դու, վոր շողում ես միշտ, դու, վոր վառվում ես միշտ,
Յեկ խնդուն ես, և վաս:

Նրանք յերգել են քեզ, դվարթ, դվարթ գարուն,
Չոնել են քեզ յերգեր,
Յեկ արեգակ շողշող, կապնւյտ, կապնւյտ սերեր
Յեկ ամպեր են յերգել:

Սակայն քեզ չեն յերգել հողի վրա խուժող
Բեղմավորներ գարուն,
Յեկ քեզ, գարնան ուժով պղտոր, պղտոր վազող
Մտեղծարար առու:

Ո՛, ընթացիք վարտը, հրաբորնք, բեղնուն,
Մտեղծարար գարուն,
Վոր բացվում ես անծայր, ու փովում ես պայծառ
Մեր աշխարհում:

Փովիք համայնական մեր արտերի վրա,
Գարնուն, գարնուն խուժող,
Յեկ եմ յերգում, արե, քեզ եմ յերգում, գարուն,
Սրտիս ամբողջ ուժով:

ԱՆՎԵՐՆԱԳԻՐ

Դեռ չի յեղել յերբեք հույզերի ու սիրո
Այսպիսի վառ անկում
Մեր սրտերում, կյանքում
Փուղումներ այսքան արագընթաց ու խոր...

Մենք տեսնում ենք՝ ինչպես այրված հասկերի պես
Ճած են թափվում վարար,
Ծրիվ ու հողմավար
Հին հույզերը տարտամ, ապրումները պիսոյիս...

Ո, տերեներ դեղին, անողնական, տրտում,
Արդեն խոիվ դարձած,
Դուք մեռնում եք անդարձ,
Դուք մեռնում եք անդարձ մեր յերդերում, սրտում

Վառվիր, արե՛, վառվիր, մեր սրտերում քամիր
Յոր շողերը կիզող,
Անտական ու զով
Փչիր, աշխատանքի դու սրբազան քամի:

Ախտահանիր, արե՛, ո՛, մեղ ախտահանիր,
Թափվիր դու անդարձար,
Յոր կըակը վառվառ
Յեղ ամոքիչ, և՛ ջինջ, և՛ ջերմ, և՛ ծիրանի:

Ո, մենք կարոտ ենք քեզ, նոր արեղակ արդար,
Կիզիր, կիզիր դու մեղ,
Շաայլ անձեռի պես
Թափիր, Թափիր լույսդ դու անդարձար:

Թաղ մեր հողին իսպառ քո հուրերով սրբվե
Հին հույզերից տարտամ,
Ո, արեղակ արդար,
Թափիր, Թափիր լույսդ դու անդարձար...

3625
32053
100%



ԽԱՊՆ ՅԵՐԳԵՐ

Սիրելի Գուրգեն, կոմյերիտ ընկեր,
ինչ վոր գրում եմ, գրում եմ վստահ.
Ո՞վ գիտե հիմա ճամբա յես ընկել,
Յեվ կամ ով գիտե, վժրտեղ ես նստած:

Նստած ես արդյոք մի, փափուկ բարձի,
Կամ ձիու թամբին, Եյ, ով իմանա:
Թողնենք այդ սակայն, դառնանք այն հարցին,
Դոր ինձ հուզում ե յերկար ժամանակ:

Վորտեղ ել լինես — բարձին, թե թամբին,
Թե գարնանային ամպին նայելիս,
Թե հոգնած նստած լինես դու ճամբին,
Իմ այս նամակը կարդա, սիրելիս:

* * *

Գրել եմ յես քեզ միքանի նամակ,
Այդ նամակներում զրել եմ կրքոտ,
Վոր զըրնգում ե իմ կյանքը համակ
Այս լուսապայծառ որերի յերգով:
Սակայն հենց յերեկ զգացի, վոր ինձ
Դեռ սպառնում են ահավոր բացեր,
Դեռ մըռեներ կան քամված իմ սրտում
Յեվ ստվերներ կան, վոր չեն չքացել...

Յերեկ, յերբ մենակ անցնում եյի յես
Հոգիս վողողած սիրո աստղերով,
Նայեցի վերև ամպերը անցան
Իրենց լուսավոր առագաստներով:

Այդ պահին հանկարծ մի ուրախություն,
Տիրություն իջավ իմ հոգու վրա,
Յեզ յես հուշերով վերադարձա տուն,
Իմ հոգում և՛ ցուրտ, և՛ ծուխ, և՛ կրակ...

Ա՛յս, ինչու համար արեւմ այս թեժ,
Հավերժ գեղեցիկ այս տռավոտում,
Չնչին հույզերը մըրկում են մեզ,
Յեզ մենք թախծում ենք, ախրում, կարոտում,

Ինչու յենք նայում չքնաղ դաշտերին
Կապույտ աշխարհի կարստով արձակ,
Յեզ սիրում ենք մենք յերթը ամպերի,
Յեզ արեապույն դաշտերը ծաղկում:

Ո՞վ ե մեզ ավել այսքան բազմազույն
Զգացմունքների անհատակ մի ծով,
Յեզ ով ե, ով ե մեր սիրալ լորել
Դավաճան ու չար արել բոցով:

* * *

Մենք մեզ բավական սրբել ենք թեկուղ,
Կառուցել ենք մեզ և վերաշինել,
Սակայն ճեղքեր կան զեռ մեր սրտերում,
Փլվածքներ դեռ կան, վոր պետք ե շինենք.

Ա՛յս, յերբ կմեռնեն այս հույզերը խենթ,
Յերբ կգագարեն սուլոցներն այս չար,
Յերբ կմահանան մեր սրտում անհետ
Զգացմունքները այս դարսնակալար:

* * *

Վորպես ձիտվոր, վոր յետ չի նայում,
Մեր տարիների սանձերը քաշած
Ուրախ յերգելով, սրբնթաց, անցած
Մինք այս արեստ գաշտերը հասանք...

Նրանք՝ սանձարձակ տարիները մեր
Տվյալն մեղ թափ, և՛ արե, և՛ ուժ.
Նրանք ցրեցին մեր հոգու միջից
Անցյալի բոլոր ամպերը մշուշ:

Լյըին մեղ կյանքի յեռուն հորձանքով
Կատարից կատար հանեցին մեղ վեր,
Յեզ մղեցին մեղ մարտական թափով
Դիպի արեստ, լուսավոր տփեր:

Այժմ տեսնում ենք աշխարհն ավելի
Իրական ու մեծ, ավելի արձակ,
Յեզ հոկտեմբերյան հրով հավիտյան,
Դագաթից գագաթ լուսավոր դարձած...

Սակայն սուլուծ ե դեռ մեր սրտերում
Մի դարանակտու, ցրտաշունչ քամի,
Վոր մեզ անկում ու թախիծ ե բերում,
Մեր աշխատանքի և սիրո ժամին:

Յեզ մենք ապրում ենք այդ մուլի հույզերի
Մահացման վերջին, վերջին զիշերը,
Յեզ այդ զիշերում մեռնում ե քամին,
Յեզ մոխրանում են բոլոր հուշերը:

Անցնում են բոլոր հիշատակները,
Յեվ կը ակները՝ դողդոջ ու յերեր,
Յեվ այսպես արագ մոխիք են դառնում
Մեր սրառում անցած ապրումներ, սերեր...

ԳԻՇԵՐԱՅԻՆ ՅԵՐԳ

Կես զիշեր ե, մութ ե, և գիշերում խորին
Նստած կարդում եմ յես լուսամփոփի տակ.
Յեվ Գյոթեն և գալիս և անցնում ե նորից,
Յեվ Հայնեն և լալիս ու հեկեկում մենակ.
Յեվ ալսպես փակված, կես զիշերում անքուն
Նստած կարդում եմ լուսամփոփի տակ:

Ոթելոն և խանդից, կասկածանքից լալիս,
Հեկեկում և անքուն Հայնըիս Հայնեն ելի.
Անտաների խորքից, տես, Համսունն և գալիս,
Բարձրանում են թափով Եղբար Պոն ու Շելին.—
Յեվ դոները փակած և անշուկ, մենակ
Նստած կարդում եմ յես լուսամփոփի տակ:

Ո՛, զրքեր են, գրքեր, խարույկներ են անցած
Ու հիշատակ դարձած պատմություններ, յերգեր,
Ամեն մեկը արնով ու հուզերով արձակ
Իր յերազը և իր ժամանակն և յերգեր
Նրանք յերգել են սեր, նրանք մահ են յերգել
Անկումներ ու կոփի, պոռթկումները դարի,
Նրանք նկարել են արյունաքամ վերգեր
Յեվ բաղմաւմներ բազում, քնքշություն ու կարիք...

Ո՛, վորպիսի վառվառ ու բազմազան յերգեր,
Վորպիսի վառ սերեր ու ապրումներ անդավ,
Յեվ անսահման լացող, վորոտացող կրքեր,
Բմբուտություն, հույզեր, տիրություններ ու ցավ...

Եհել յերբ անցնենք մենք այդ բարձունքներից անցած,
Կարստանքից, կրքից, կատարներից այրող,—
Մենք կունենանք յերգեր՝ այդ յերգերից պայծառ,
Ճեզ ավելի հզոր, և ավելի կարող:

Շառաջում ե քամին, տարուբերում յերեք
Կիպարիսները բարձրահասակ,
Նբանք որորվելով շըշնջում են՝ պոհտ,
Մենք հասակ առած ծառեր դարձանք:

Մենք բարձրացանք, դարձանք բարձրահասակ ծառեր,
Կիպարիսներ գարձանք լուսավար ու վերձիգ.
Մենք ձգտեցինք անվերջ դեպի պայծառ արև,
Մենք աճնցինք դարեր, ու հոգնեցինք:

Արդեն կոացել ենք քո տնակի վրա,
Մեղ քամին ե ծեծում, ցնցում տուաջ ու յետ.
Մենք ապրեցինք յերկար, մենք միոնում ենք ահա,
Արդեն ծերացել ենք, սիրելի պոհտ:

Սպասեցինք յերկար, վոր կդառնաս դու տուն,
Այցի կզաս ծովին, կբարձրանաս լիոներ,
Սպասեցինք յերկար, բայց իմացանք հետո,
Վոր չես ապրում, ավաղ, վոր վազուց ես մնոել...

Ակնթարթ ե կարծես, սակայն նայում ենք մենք՝
Մերունդներ են անցել հողմի նման,
Իսկ մենք որորվելով գեռ մնում ենք՝
Կապույտ ալիքների ու քամու գիմաց:

Մեր շուրջը նոր ծառեր, կիպարիսներ արտա
Բարձրահասում են, աճում ու ձգտում են վերե,
Ո՛, մենք կընկնենք, պոհտ, միթե, միթե նրանք
Մեր ապրելու այս խեղճ ընթացքը կներեն:

Ո՛, մենք կընկնենք, պոետ, բայց քո յերգերի մեջ
Մենք դեռ կապրենք յերկար, յերկար դարեր,
Յեզ կհիշեն մարդիկ, վոր զու ունեցել ես
Տերեք կիպարիսներ, յերեք փոքրիկ ծառեր:

Տեղ մեր կյանքից միայն քո շողողուն, անմահ,
Հավերժական, պայծառ յերգը կմնա,—
Իսկ մենք այս ահավոր բարձրությունից ընկած
Անողնական, անզոր կանցնենք ~ կդնանք...

Հովն եր, Հովն եր Շինկօնկում

Հովն եր, հովն շընկընկում,
Մեր սարը մի հովարան, —
Յես չեմ տեսել այդքան վառ,
Այդքան պայծառ տեսարան:

Սարալանջում խոտհունձ եր,
Ամբողջ սարը խոտ ու հով,
Որորվում եր սարը մեր
Ալիք-ալիք, վորակես ծով:

Հինգ գերանդի, հինգ մանդաղ,
Տաս կոմյերիտ ընկերներ,
Հովերի մեջ փաթաթված
Շարժվում եյին ստրն ի վեր:

Հովն եր, հովն եր շընկընկում
Մեր սարը մի հովարան, —
Յես չեմ տեսել այդքան վառ,
Այդքան պայծառ տեսարան:

Լայնաթիկունք, կրծքաբաց,
Յեղ գլխաբաց, և հարբած,
Դոտիները պինդ կապած՝
Ու հովերով փաթաթված. —

Հարում եյին ու յերգում,
Խոտն եր հոսում լույսի պես,
Ու այդ պայծառ խոտհարքում
Հարբել եյի յերգով յես:

Հովիս եր, հովիս եր շընկընկում,
Մեր սարը մի հովարան, —
Յես չեմ տեսել այդքան վաս,
Այդքան պայծառ տեսարան...

ՍԵՐՄԵՐԻ ՅԵՐԱՔ

Սերմեր եյինք, շարքացանը շաղ տոլեց մեզ արաերում,
Ընկանք փխրուն հողի մեջ, ակոսներում բարերեք,
Յերք արել գուրգուրեց, մենք շարքերով յելանք վեր
Ու շարքերով ձգվեցինք, հոյ, արտերում, արտերում...

Հետո զարձանք մենք հասկեր ու հովերին վարվեցինք,
Լույսերի մեջ ինչ վաղք եր, և ինչ ծիծաղ եր հասկի,
Ո, ինչ մեծ եր արտը մեր, և՝ բեղմավոր, և՝ վուկի,
Արտը մեծ եր մեղանալի, և մենք արտում մեծ եյինք...

Ալիք-ալիք լողացանք հյուսված լույսի թելերին,
Ալիք-ալիք շողացանք հովերի տակ, լույսի տակ,
Յեվ տասցինք աշխարհին.—Ո՛, մենք շատ ենք, և, մենք
կանք,

Յեկ քանի մենք կլինենք, աճումը միշտ կլինի...

Մենք թեղված ենք, հոյ, հիմա ամբարներում անհատակ,
Բայց մենք այն չենք, ինչ եյինք, և մով և մեզ ճանաչում,
Սակայն սերմ ենք մենք նորից և մեր անունը՝ աճում,
Քանի արեն և կանգուն, մենք կլինենք ու միշտ կանք...

Հոյ, ցանէք մեզ, ցանէք մեզ, ամբարներից լույս հանեք,
Ահա գարունն և նետում իր շողերը հողի տակ,
Յեթե մնանք մենք այստեղ, մենք զայրույթից ծիլ կտանք,
Չի մենք սերմ ենք, և մեզ միշտ պետք ու ցանէլ ու ցանել...

«ԿԱՆԱԶ, ՎԻԹԻԱՄԻ ԸՆԿՈՒՁԵՆՈՒ ՏԱԿ»

Դու անցել ես, պոետ, դու անցել ես անդարձ,
Սակայն քո յերգը կա և ապրում ե անմեռ,
Այնքան թովիչ ու պարզ, այնքան խորունկ ու բարձր,—
Վառ հնչում ե յերգդ և մեղ հուզում ե զեռ

Ո՛, սիրելի, ո, մեծ, գարնանային պոետ,
Մենք յերգում ենք կը կին անուշ յերգերը քո,
Սակայն մենք չենք նստում քո վիթխարի ու մեծ,
Կանաչ ու բազմաճյուղ ընկուզենու ներքո:

Որորիում ե թեկուզ կանաչ ընկուզենիդ,
Բայց ուրիշ ե յերգը և ուրիշ ե գինին,
Ծալապատիկ նստած չենք յերազում հիմի,
Վոր աշխարհում խորին խաղաղություն լինի:

Զվարթ սերունդ ենք մենք, վոր աշխարհն ենք փոխում,
Մաքառումով, կովով, ստեղծագործ ձեռքով,
Յեղ աշխարհն ենք լցնում առնական ու հախուռն
Աշխատանքի խլուխ, զվարթաձայն յերգով:

Մենք յերգում ենք կյանքը և պայքարն ենք յերգում
Յեղ հիշում ենք յերգդ՝ այնքան, այնքան անուշ,
Սակայն որորում ենք կանաչ ընկուզենիդ
Յեղ բոլորին վոտքի ու կովի յենք հանում:

Մենք ասում ենք.— յիշք, կանաչների վրա
Ծալապատիկ նստած, ո, միք կառչի հնին,
Միք յերաղի յերբեք, վոր հրաշքով մի վառ
Այս աշխարհում խորին խաղաղություն լինի:

Խաղաղություն, ո, քեզ, մեր սիրելի անուն,
Մենք հիշում ենք անուշ, անուշ յերգերը քո,
Սակայն մենք չենք նստում, ծալապատիկ, տիտոր
Քո վիթխարի, կանաչ ընկուզենու ներքո:

Լոռւմ եմ կարծես մեր բարակ առվի կարկաչը անվերջ,
Վորի ջուրը յես այնքան խառնեցի ու պղտորեցի,
Բարդենու թափած թերթերը լցու նրա ջրի մեջ,
Ավաղ հանեցի, քննեցի հաճախ նրա յեղերքին:

Տեսնում եմ կարծես մեր հինգետնափոր խրճիթը խավար,
Քարայրի նման մեջքը զեմ աված անտառի ճամբին.
Յեղ քեղ եմ հիշում անհուն կարոտով, սիրելի իմ հայր,
Յեղ քեղ, հեռավոր, աստղապարդ դիշեր իմ անզարդ կյանքի:

Լուսինն եր կանգնել մեր առվի վրա, անտառի դիմաց,
Հավաքվել եյին աստղերը զվարթ յերկնակամարում.
Սրինգը ձեռքիդ նվազում եյիր, մեր բակում նստած.
Բարդիների տակ մեղմ կարկաչում եր մեր գուան առուն:

Ա՛խ, դու հորդեցիր իմ յերակներում մի անհուն ծալրավ,
Իմ սրտի մեջ՝ սեր և իմ աչքերում — հրավառ մի կյանք,
Սըրինգիդ անուշ յերենջներով ինձ տուալ-տարար, —
Յեղ գու չհասար այն վառ որերին, վորին մենք հասանք:

Մենք զրինք բոլոր շվեները ցած, ջութակները՝ վար,
Փըշքինք բոլոր սըրինգները մենք, մի ահեղ զիշեր,
Մենք փողեր տուանք և առանք զենքեր, սիրելի իմ հայր,
Մոռացանք մի պահ, վոր կա աշխարհում քնքշություն
ու սեր:

Մեր հոգու խորքում թաղեցինք մի պահ ցոլք ու ծիա-
ծան,

Դթության բոլոր կածանները մենք ծածկեցինք ծխով,
Մենք սըրինգների ու ջութակների վրայնվ անցանք,
Թնթանոթների, գնդացիրների բացված յերախով:

Ծխով ծածկեցինք վառ արեգակի գունզը լուսեղեն,
Լուսնի շողերը թնդանոթների ծխի մեջ հանդան,
Յեղ մի եր հիշում, վոր այս աշխարհում կարու և յեղել,
Սերեր են յեղել, քնքշանք և յեղել աշխարհում անգամ...

Մենք չեյինք ներում յերբեք վոչ վոքի, և չեյինք խղճում,
Բնքշության բոլոր սափորները մենք փըշքեցինք ան-
ձան.

Յեղ մեր բաղխման մեջ, ուր թնդանոթի փողն եր վորու-
տում,
Զեր լսվում յերբեք ջութակի, սիրո և սըրնզի ձայն..

Ա՛խ, դու չտեսար և դու չհասար մեր վառ որերին.
Սըրինզը ձեռքիդ զու ընկար, հայր իմ, ընկար յերգելով.
Ինչ վոր դուք չարիք ձեր սըրինգներով, յերգերով խորին,
Մենք ավարտեցինք բոլոր համապարկով ու վառ գեն-
քերով:

Յեղ գու անցել ես, գու մահացել ես, սիրելի իմ հայր,
Անցել ես, վորպես յերազն և անցնում, ու յերգը խաղաղ,
Չիմացար ինչեր, ինչեր հանդեցին մեր աչքերի մեջ,
Ինչեր վառվեցին, ինչեր մոխրացան և ինչեր յեղան..

Մենք վերապարձանք մեր սրբում՝ կարոտ, մեր աշխե-
րում՝ սեր.
Խուսափոր սիրով ժպատացինք կառույտ աշխարհին
դարձյալ
Դեռ յերբեք կյանքում մեղ յերգը այնքան, այնքան
չեր հուզել
Յերբ մենք գնդերով, հաղթական յերթով դիրքերից
դարձանք:
Յեզ մենք, վոր կովում այնքան անողործ և անսիրտ
յեղանք,
Ծարավել եյինք յերգի, նվազի, լուսավոր կյանքի,
Աղաճաչքերով մենք խուժում եյնքնորից դեպի կյանք,
Յեզ նայում եյինք կյանքի փառավոր արեածաղին:
Մենք անցնում եյինք և մեր վոտքերին շողերով շաղ-
լած,
Յեզ ծուխ եր, և յուլք, արեածաղի փայլը առաջին.—
Մենք անցնում եյինք արշալույսների լույսով վա-
ղողված,
Ինչպես գնդերն են հաղթական անցնում արեի դեմք...
Յեզ զըբնում եր ծարավ յերկիրը մեր վոտքերի տակ,
Յեզ արեակն եր մեր մոլորակը յուլքերով վասում,
Յերանի մեղ, հայր, վոր ասլրեցինք մենք վիթխարի
մի կյանք,
Յեզ Հոկտեմբերյան արեածաղը տեսանք աշխարհում:

Տեսանք բարձրացող արեակն այս վեհ աշխարհի վրա,
Կատարից կատար լուսավառումը բոլոր կողմերում.
Յեզ աշխատանքի սրբազն շնչով լցրինք մենք կյանքը,
Աշխարհը լցրինք ստեղծագործության հզոր հողմերով:

Հիմա յերգում ենք և նվազում ենք կարուտով անքուն,
Յեզ գեռ չի յեղել աշխարհում այսքան նվազ խնդագին,
Յերբ սրբնաներն են այսքան հիանքանչ ու վառնվագում,
Յեզ այսքան տնուշ մեղեղիներ են հուզում մեր հողին:

Մեր կրծքերի տակ բոցելին սիրով ցոլում և կյանքը,
Բերկությունները խուժում են, ինչպես կատաղի ջրեր,
Յեզ այս լուսավոր որերի խորքում յես քեզ եմ հիշում,
Հեռավնը իմ հայր, հավետյան անցած ասալազարդ
գիշեր:

Ել չեմ պղասրում մեր դոան տուն այնքան սրբնթաց՝
Ավազ չեմ հանում ու ել չեմ քնում նրա յեղերքին.
Նրանից միայն մանկության մասին մութ մի հուշ մեաց,
Յեզ քո ստվերը՝ նստած մեր բակում՝ ուղինդը ձեռքին:

Իմ սիրելի հայր, հավետյան անցած իմ ուղնդահամը,
Դեռ ապրում եմ յես և գեռ վառվում և արեը կրկին,
Յեզ աշխարհն անհուն զընդում և զվարթ ու արեափայլ
Անսահման սիրով գեռ վողողված յերկիր ու յերկինք:

Յեզ վողողված և ապրելու ահնչով իմ սիբաը համակը,
Յեզ յերջանիկ իմ, վոր ապրում եմ յես այս արեափին,
Այս զվարթազին և լուսավարար յերկինքների տակ,
Յեզ մասնակցում եմ այս ներոստական, վիթխարի կյան-
քին:

ՄԱՆՐ
ԲԱՆԱՏԵՂԾՈՒԹՅՈՒՆՆԵՐ

* * *

Մեր այս որերում կառուցողական,
Մոխրացար, վարպետ կրակ, ու հանգար,
Դու, վոր թվացիր մի որ ծիածան,
Արև թվացիր իմ հոգու համար:

Իմ որտի վրա արել շողաց,
Ու զբոհելով գարունը խուժեց,
Քեզանից այսոր մնացին միայն
Տաղառուկ ու չնչին մոխրացած հուշեր . . .

Մնացին անլույս գիշերներ միայն,
Յեղ հիշատակներ ցնորք աղջկա,
Դու մեռար, աղջիկ, և չկաս հիմա,
Դու ասողի նման իմ հոգում հանգար:

Ել ուր ներբողեմ քո դեմքը լուսե՞
Պատանիկական չնչին ցնորքով.
Յերզում հմ հիմո քեղ անհայտ հույզեր
Աընի նման շողշողուն յերգով:

Այրված ասողերի հույլերի նման
Թափվում են անցած պատրանքներս ցած.
Տեղատարակի ե իմ հոգում հիմա,—
Յեղ արշակույս ե, և' արևաբաց . . .

Մարտին

Դու կմնաս միշտ պայծառ
Իմ յերգերում բովանդակ,
Վորպես հաղար հույզերով
Մշտափոփոխ մի անտառ,
Ուր կա արև, յերգ ու շող,
Յեղ թուփ, և' ծիլ, և' աճում,
Ուր բովանդակ կյանքն ե հար
Շառաչելով կանաչում:

Դու կմնաս իմ յերգում
Անտառի պես մշտափառ,
Անտառի պես գեղեցիկ,
Աղմկոտ ու հողմավար . . .
Անտառի պես միշտ շոտյլ
Յեղ անհատնում, և' առատ,
Յեղ պարզ, և' մութ, և' մոայլ,
Յեղ հավիայնն անարատ . . .

Դու կմնաս միշտ պայծառ
Իմ յերգերում յերգեցիկ,—
Անտառի պես հողմավար,
Անտառի պես գեղեցիկ . . .

* * *

Հայնրիխ Հայնեն ե յերազել մի որ՝
Կապույտ յերկնքի լույս ֆոնի վրա
Սիրած աղջկա անունը գրել
Սիրած աղջկան յերազել միայն:

Իսկ յես ռւզում եմ անունդ, ընկեր,
Գրել այս հողին պայծառ տառերով,—
Վորպեսպի անմեռ ու անմար լինեն,
Ու հողի նման ապրես դարերով . . .

ՎՈՍԿԵ ՄԱՆՁԵՐ

Սիրով Գուրգեն Մահարուհ
«Մըգահաս»-ի տոթիկ:

Քո գրքի փոշոտ ճամբին
Ընկած են վոսկե սանձեր.
Մի ձի յե առանց թամբի
Դոփելով արագ անցել ...

Աղջիկներ կան քո գրքում,
Յեկ անսանձ ձիու սանձեր.
Թե հասնեմ յես քո ձինն,
Անպայման պիտի սանձեմ ...

Քո գրքում՝ գանձեր, գանձեր,
Քո գրքում՝ վոսկե սանձեր:

Յերեկո յե. նստած տանը,
Յես չամսունի «Պահան»-ն եմ կարդում,
Դեմ նստած ե Գլանը.
Լուս լուս եմ յես այդ մարդուն:

Շուրջս անտառ, գիշեր, լուսին,
Ու մի խարույկ այդ անտառում,
Խարույկի մոտ մի շուն, մի սիրու ...
• • • • • • • • • • • •

— Լուս կաց, Յեղնի, միտս ե դալիս
Զարմանալի մի առասպել ...
• • • • • • • • • •

Պատնիշավոր տշտարակում
Մի գեղեցիկ հարս ե ապրել ...
• • • • • • • •

Ու ընկղմված այդ գրքի մեջ
Հին անտառում այնքան գերող,
Յեզորի հետ լուս եմ յես
Պատմությունը այդ հին սիրու:

ՍՈԳՅՈՒԹԵԼԻ

Հանկարծ վորպես լույսի փայլակ,
Վորպես շանթի հզոր հարգած,
Մեկը դուռս բացեց արագ
Ու բարձրածայն կանչեց վառվոծ.—

Դեպի արևն ելին գնում
«Ամբոխները խելագարված» . . .

Խարույկն հանգեց անտառում իսուլ
Ու Գլունը անդարձ դնաց . . .

Սրտնվ, սիրնվ, հրնվ լի
Քեղ եմ յերգում, Սոգյութլի:

Դպրոց, իրճիթ, լիկայան,
Հետո փոքրիկ մի կայան:

Առվի վրա մի իրճիթ,
Վարիա, Շուշիկ ու Խաչիկ:

Ցերեկոներ հուրհրան,
Զրույց, յերգեր ու կըակ:

Սրտնվ, սիրնվ, հրնվ լի,
Քեղ եմ յերգում, Սոգյութլի:

Աշխ, ինչ լավ եր, ինչ տառյզ,
Վառվում եյնք վոնց գարուն:

Վոնց եյնք մենք ոյուղը փոխում,
Վառվում, յերգում, ու շողում:

Վոնց դադար կար, վոնց հանգիստ,
Որեր անմեռ ու անդին . . .

Սրտնվ, սիրնվ, հրնվ լի
Քեղ եմ յերգում, Սոգյութլի:

Ցերբ իմ ուսուցիչը կազույտ կավիճով
Դրատախտակին դրեց ա+ե,
Յես տեարակս բացի ու տեարիս միջում
Նկարեցի մէ աղջկա գլուխ:

Աշակերտական որերս անցան,
Մեծացա յես ել, ուսուցիչո՞ւ գնաց,
Ու իմ տեարի միջ, վորպես մի փորմուլ
Այդ չար աղջկա գլուխը մնաց ...

Հիմա նայում եմ յես այդ նկարին,
Ու ժպառմ եմ յես տարամերժորեն.—
Տակը դրել եմ.—ձեղ չեմ մոռանա,
Աշակերտական անհանգիստ որեր ...

* * *

Իմ անզին ուսուցիչ, ֆորմուլներդ չկան,
Հիմաք եյի յես, ախ, չար ու հիմար.
Ինչու նկարեցի յես այդ աղջկան,
Ինչու նկարեցի և ինչու համար:

Թո այն բազմաթիվ ֆորմուլները բոլոր
Յես չլուծեցի, յես դարձա թեթև,
Զղջացի հետո, հետո իմացա,
Վոր մնացի յես ամենքից յետե ...

Իմ ընկերները ասած ընթացան,
Իսկ յես չդարձա յերբեք նկարիչ,
Թեկուղ նայում եմ զվարթ հուշերով,
Սիրով նայում եմ յես այդ նկարին ...

ԲԱՅԻԿԻ ՎՐԱ

Ինչպես ջրերն են շառաչով անցնում
Յեկ փրփրում են անզուսպ ծիծաղից,
Յեկ ուժգին զարկում ժայռերին այն կեր,—
Այլպես ել ահա, գիծ ու կատաղի,
Կանցնի, սիրելիս, մեր այս հողմաշունչ
Ջանելությունը, վոր տրված ե մեղ ...

Սակայն աշխատենք, վոր խայտանկար
Ջանելությունը մեր այս հրաշունչ,
Մեր այս հասակը հողմային ու վառ,
Վոր ջրվեժի պիս առաջ և խուժում,—
Չկուչի անհետ ու իզուր, իզուր
Զցնզի անցած որերի մուժում ...

Լծենք մեղ այս վառ, վիթխարի կյանքին,
Այս հերսոնական ընթացքին համառ,
Յեկ խնդան նայենք այս արեգակին,
Մաքառենք այս մեծ աշխարհի համար,
Վոր մեղ լուսեղին գարուններ բերեց
Յեկ բերում ե մեղ վոսկեղեն ամառ ...

ՀՐԱԺԵՇՏ ԳՈՒՐՁՈՒԹԻՆ

ՀԻՇՈՒՄ ԵՍ, ԳՈՒՐԴԵՆ

Հիշում ես, Գուրդեն,—

Անցնում եյինք մենք ծիծաղով, կանչով,
Յերկինքն եր կապույտ, որը կիրակի,
Անցնում եյինք կանաչ արտերի միջով,
Դնում եյինք մենք շաբաթորյակի:

Հիշում ես, ինչպես զբոհի անցանք,
Յեվ առվի վրա կամուրջ կապեցինք,
Իսկ հետո ջուրը սրբնթաց անցավ,
Իսկ մենք խնդացինք, իսկ մենք ծափեցինք . . .

* *

Հիշում ես, Գուրդեն,

Անցնում եյինք մենք ծիծաղով, կանչով,
Յերկինքն եր կապույտ, որը կիրակի,
Անցնում եյինք մենք արտերի միջով,
Տուն եյինք դառնում շաբաթորյակից:

(Նավի վրա)

Մնաս բարնվ, չքնաղ Գուրզուֆ,
Յեվ Պուշկինի վոքրիկ անսկ,
Կիսպարիսներ, վոր դեռ յերկար
Այգպես կանգնած պիտի մնաք:

Ծովի ավազ և վրփուն
Դուք ալիքներ լուսնանման,
Վոր պիտի հար պոկվեք ծովից
Յեվ միշտ ափին պիտի մնաք . . .

Սըրել եք դուք վորքան հետքեր,
Յերգիր աստղով ու սիրով լի,
Զկան նրանք, բայց դուք անվերջ
Չեր ափերն եք ծեծում ելի . . .

Հար բաղիւլում եք ավագներին
Յեվ ընկնում եք ծովի վրա,—
Մնաք բարով, չքնաղ ջրեր
Յեվ ալիքներ լուսնանման . . .

* * *

Սիրիք կյանքը,
Սիրիք թափով,
Մի ընթացիք
Կյանքի ափով:

Մտիր խորքերը
Մեր այս վառ կյանքի,
Վոր կյանքով լինի
Պայծառ ու անդին:

Մաքառիք մեր վեհ
Գալիքի համար,
Վոր լինես անմեռ
Ու լինես անմոր:

Սիրում եմ քեզ, Շախիր, սիրում եմ քեզ, Մուշեղ,
Թեև ձեր ձեռքից յես շատ եմ տուժել,
Բայց գուք յեղել եք անսայթաք, անշնչ
Կոմյերիտականներ և վոչ թե տաշեղ:

Ի՞նչ

Որորուն՝ որերս անցան,
Յերերուն՝ սերերս անցան . . .

Զգում եմ՝ փոխվում եմ՝ արդին,
Փըլչում են հույզերս մշուշ.
Ու կյանքը, ու կյանքը մեր նոր
Ինձ ուրիշ խորքեր ե քըշում . . .

Գիշերներ, գիշերներ կապույտ,
Դուք ինչքմն արագ անցաք . . .

ՊՈԵՄՆԵՐ

Ուկար Ռւայլդն և հանձարեղ զբչով
Զահել հասակի հմայքը յերգել
Իր հռչակավոր զբքում ֆանտասիկ
Նկարագրում և նա մի պատանի,
Մի հրապուրիչ, վոսկեղեն հասակ,
Վոր զերաղանց և ամեն մի բանից:

Ահա գեղեցիկ, չքնաղ այդ տղան
Կանգնում և մի որ մի վարպետի մաս.
Վարպետը դյութված նայում և նրան,
Յեղ իր պարտեզում, մի վառ առավոտ
Նրա հասակը այնքան թովչական
Ասնում և մի զորշ կտավի վրա:

Վերցնում և տղան իր այդ նկարը,
Տանում, կտիսում և սենյակի պատից.
Հետո կանգնում և նկարի դիմաց,
Յերկար նայում և իր այդ նկարին.
Յեղ թվում և թէ նկարված ժամից
Անցել և արդեն միքանի տարի ...

—Կնճիռներ կիջնեն իմ այս ճակատին,
Մազերիս վրա կթափվի արծաթ,
Իսկ այս նկարը կմաս պատին,
Երջանակի մնջ անփոփոխ, անձայն,
Նրան նայելով կվողբամ յես իմ
Զահելությունը, վոր արագ անցավ ...

Յեկ մորմոքիլով փակում ե գուռը
Փոքրիկ այդ տղան, չքնաղ պատանին,
Լուռ չափչփում ե փողոցներն անդործ,
Ակումբից ակումբ անցնում ե մենակ,
Ճեղքում ե մարդկանց շարքերն ալեկոծ
Յեկ շուռ ե գալիս ամբողջ ժամանակ:

Յեկ յերբ հոգնում ե, կանգնում ե նորից
Նկարի գիմաց իր այդ գեղեցիկ
Նայում ե յերկար և արձանացած.
Յեկ մորմոքում ե, վոր իր հասակը,
Գեղեցկությունը իր այդ գունագեղ
Կցնդի մի որ, վորպես ծիածան:

Ավաղին ընկած ալիքի նման,
Կանցնի զյութական իր կյանքը շքեղ,
Կցնդի արագ, և այդ բոլորից
Պատին կմնա մի չքնաղ նկար,
Շրջանակի մեջ կշողա թովիչ
Մի հասակ խնդուն ու խայտանկար:

2

Տարիներ են անցնում, և մի որ նորից
Փակում ե տղան սենյակի գուռը,
Թախիծով անհուն ու դառնակակիծ
Նայում ե պատից կախված նկարին,
Յեկ ի՞նչ ե տեսնում. թվում ե նրան,
Վոր ծերանում ե նկարը պատին . . .

Մութ կնճիւներ ե տեսնում ճակատին,
Քունքերի վրա խռնված գծեր,
Նկարը ամբողջ թվում ե նրան
Ծերացած, տգեղ, այլոնդակ ու ծեր,
Բայց նայում ե նա, սոսկումով ահեղ,
Չըսած աչքերով գեռ նայում ե վեր . . .
Իսկ մի յերեկո, յերբ ժանում ե տուն,
Աղաղակում ե նա սարսափահար.—
—Ո՛, դու փոխվեմ իս, ծերանում ես դու,
Լուռ ակերպում ես, իմ վոսկի նկար,
Ցած իջիր պատից, իմ ջահելություն . . .
Ա՛խ, ծերուկ վարպետ, հանգավ ինչ վոր կար . . .

Յեկ ապա մոմի գեղին լույսի տակ
Ընթանում ե նա դեպի նկարը,
Հանում ե ծոցից մի փոքրիկ դանակ,
Քըլքջում ե . . . ու . . . վազում ե հարբած,
Մեխում ե ամուը նկարի, սրտում,
Նկարը պատից շպրտում ե ցած . . .

Լսվում ե մի ճիչ, հետո լուսթյուն.
Բացում են դուռը, տեսնում են արնոտ,
Հատակին ընկած ծերացած մի մարդ,
Մի դանակ ցցված արյունոտ սրտում,
Իսկ պատից կախված ժպտում ե մի վան,
Գեղեցիկ, չքնաղ պատանու նկար . . .

Թշվառ պատահնի, քո հասակն եր այդ,
Նոր անցավ արագ առանց արդյունքի,
Պատին թողնելով մի փոքրիկ նկար,
Նորպես մի սավեր քո ամբողջ կյանքից.
Յեկ դու չիմացար, թե ինչպես անցալ
Պատահնեկական քո կյանքը անդին...

3

Այլպես եք ահա ապրել ու անցել,
Շրջանակներ եք թողել պատերին,
Դուկեղնձ, սիրուն ու չնաշխարհիկ.
Ո՛, դուք սերունդներ, ո, լուսաբացիր,
Հասակներ վսեմ ու գարնանային,
Ո՛, արշալու յաներ անցած աշխարհին

Յեկանք մենք սակայն և ընձեռնեցինք
Զեղանից հետո մի վեհ աշխատանք,
Յեկ ձեղանից վառ կյանքը սիրեցինք.
Ռումբերով յերկրի խորքերը մտանք,
Զի մենք աշխարհը յեղերքից յեզերք
Հոշոտված, հիվանդ ու ավեր գտանք:

Յեկ մենք ել ունենք վոսկեղեն հասակ,
Յեկ ջահելություն, վոր ձեղ եր տրված,
Մենք ել ձեղ նման արևներ տեսանք,
Հայց մենք առաջին սերունդն ենք զվարի,
Վոր փոփոխում ենք աշխարհը անդարձ,
Մեր կուրծքը նոր հոդմերին տված:

Մենք կախ չենք տալիս մեր հերոսական
Յերիտասարդական հասակը իդուռ
Թանգարաններում մթին ու անլույս,
Չենք վնում շողուն շրջանակներում
Վոզեռությունը մեր այս անսպառ,
Յեկ տարիները մեր այս վոսկեհյուս ...

Մենք կհւռ ենք, դգնատ, և գիտենք ինչու
Ապրում ենք այս վառ արևի ներքո.
Մեր ամեն որը լցված և հնչյուն
Աշխատանքների շառաչուն յերգով,
Մենք այս աշխարհն ենք կառուցում հիմքից
Սիմեական արյամք, սեփական ձեռքով:

Վարարնեն, հորդնեն մի զետի նման
Հոսում և մեր վառ հասակը թովիչ
Մեր գարնանային ուժը դյութական
Կյուժում և առաջ և մղվում թափով
Դեղի ընդերքը այս պայծառ հողի,
Դեղի գաշտերը մեր համայնական:

Իմաստ և զրվում առաջին անգամ
Մեր ամբողջ կյանքին, ընթացքին անշեղ,
Լցվում և հյութեղ բովանդակությամբ
Մեր յուրաքանչյուր վայրկյանը անմեռ,
Յեկ գիտենք ինչու հավասար լցված
Դեռ պիտի կովինք ու կիրտենք անդերջ ...

* * *

ԾիԱԾԱՆ.

Զքնաղ պատանի,—հինց այդ եր ահա,
Վոր ինձ հիշեցրեց պատմությունը քո.
Յեվ վոզբերգական քո կյանքը անդին,
Զահելությունը քո վոսկենկար,
Վոր անցավ այնքան խաբուսիկ ու ծուխ,
Պատին թողնելով մի փոքրիկ նկար . . .

Նրա անունն եր Նախշուն. նրան հաճախ եմ հիշում,
Յեվ միշտ նրան հիշելով իմ մանկությունն եմ հիշում.
Յերբ վոր գարունն ե զալիս, և ջրերն են խըլսըշում,
Յերբ վոր ծառերն են ծաղկում, յես նրան եմ միշտ հիշում:

Աչքեր ուներ նա սեսսե, գլխին ուներ սև մազեր.
Կարծես, կարծես յերազ եր, վոր անցել ե ու չկա.
Ա՛խ, վորքան եմ նրա հետ մեր հանդերում վազվել,
Ա՛խ, վորքան ենք խաղացել մեր հանդերում յես ու նս ...

Մեր հանդի մեջ արեստ, մի ուսի կար առվի մոտ,
Շուրջը կարմիր կակաչներ, վայրի խոտեր, երենջնակ.
Նստած փայտե ձիերը, գարնան ամեն առավոտ,
Վաղում եյինք յես ու նա, փըռվում նրա շուքի տակ:

Փըռվում եյինք ու խաղում, հետո վազում, ձիծաղում,
Քաղում եյինք երենջնակ, և' բաղեղներ, և' կակաչ,
Քնում եյինք հետո մենք այդ խոտերում շողշողուն,
Ամեն մեկս մեր կարմիր ծաղկեվնջերը գրկած:

Մի որ յերկար խաղացինք, և' կակաչներ քաղեցինք,
Յեվ գլխարկներ հյուսեցինք ծաղիկներից մեր քաղած.
Յես հիշում եմ, գարուն եր, ոդք ջինջ եր, գեղեցիկ,
Որը կեսոր եր գարձել բայց կապույտ եր, ուս խաղաղ:

Հանկարծ հանդից այդ խաղաղ, գլխին նախշուն մի
Փափախ,
Եր փայտե ձին չափ տալով, քշեց յեկավ զիժ Անտոն.
Նա մեր աղի տղան եր, վոր մեզ ծեծում եր հաճախ,
Մեր հասկերը կոխելով, հպարտ անցնում եր հանդով:

Յեկավ հասավ բարկոցած, հետո իջավ «ձիուց» ցած,
վախից փոքրիկ Նախշունը զլխորին առավու փախավ.
Յես լաց յեղտ, բայց իզուր, նա մոտեցավ ինձ կամաց,
վառ արեւ աչքիս դեմ կարծես ծըռվեց ու խողաց ...

—ԱՌ, գուք բոբիկ լակոտներ,—տասց Անտոն, նայեց
վեր,—

Զի յեմ քըշում, գալիս եմ, իսկ գուք ճամբա չի՞ք տալիս,
Դուք նստում եք ճամբիս դեմ և չի՞ք ուզում բարենք,
Յեկ չի՞ք ասում—վեր կենանք,—աղի տղեն և դալիս:

Ասաց Անտոն ծուռ նայեց, ձեռքով «նժույզը» պահեց,
Ամուր զարկեց իմ զլխին—յես կանչեցի ոգնություն,
Փոքրիկ եյի, ո, փոքրիկ, իսկ նա հարուստ, իսկ նա միծ,
Ո, իմ անուշ, իմ անուժ, իմ արցունքոտ մանկություն:

Ծաղկե զլխարկս առավ, զրեց զլխին ու դարձավ.
—Ել հանդ չկա՞ք,—ասաց նա, —ծաղիկներս չքաղե՞ք,
Թե չե նորից կծեծեմ,—ու վաղ ավեց բարձրացավ
Առվի ափին կարմրած ինչքան կակաչ կար քաղեց:

Յեկավ Նախշը կակաչով, հանդը լցրեց իր կանչով,
Լացով նայեց Անտոյին, չեր իմանում ինչ անի.—
Վերցրեց մի քար, վոր խիի, քարը նետեց հառաչալ
—ինչու տղա չեմ ծնվել միս, անիմիս դու նանի ...

* * *

Հետո անձրեւ յեկավ քիչ ու անձրեւից հետո ջինջ
Դաշտի վրա դեմ ու դեմ, փովեց մի վոռ ծիստան.
—Վաղեմ պիտի ու անցնեմ ծիստանի տակով յես,
Դառնամ տղա ու յետ գոմ, նըան ծեծենք ևս անգամ:

—Լավ, —ասացի յես նըան, —արցունքների մեջ կորած, —
Յես կկանգնեմ տովի մոտ, իսկ դու վաղիր, շատ արի,
Ու վաղ ավեց Նախշունը կակաչների մեջ կորավ,
Յես մնացի ծառի տակ, մենակ կանգնած մի քարի:

Գնա՞ց, գնա՞ց կարմրած, ծաղկե զլխարկը դրած,
Վաղեց, վաղեց, վոր անցնի, դառնա տղա իբրիթի,
Սակայն ինչքան նա վաղեց, ծիստանը միշտ մնաց
իր առջեռում իսկ ինքը՝ ծիստանի դեմ ու դեմ ...

Կանգնել եմ յես առվի մոտ, ու կանչում եմ արցունքոտ,
—Վաղիր, վաղիր ասացի—մոտեցար հա, մոտեցար.
Ու վաղ ավեց Նախշունը, յերկար վաղեց մինչև վոր
Հանկարծ նրա դեմից վողջ ծիստանը չքացավ ...

Հետո նստեց ու լացեց, փըռվեց հանդում ու կանչեց.
—ԱՌ, գեղեցիկ ծիստան, ինչու, ինչու զուտ անցար.
Որեր անցան, տարիներ, և այդ աղջիկն ել հանկարծ
Նա յել անցավ չքացավ, վորուես կապույտ ծիստան ...

Ել չտեսա նըան յես, և վոչ ել մեր լուսատես
Կակաչները, ուսենին, զիթ որերը մեր անքուն,
Յեկ վոչ ել զիթ Անտոյին,—արշալույսի լույսի պես,
Ծիստանի պես անցար, ով անուրածի մանկություն:

ԱՌ, ծաղիկներ գեղեցիկ, գանգակածե, ցանուցիր,
Ո՛, պարզամիտ մանկության դու առաջին մթնշաղ,
Վոր քըսվեցիր մեր վոտքին ու ցողի պես գնացիր,
Խոտերի տակ մնացիր, դու մանկության վոսկեցաղ ...

* * *

Փոքրիկ աղջիկ միամիտ, լուսածածան ու անմիտ,
Ուր ես, ուր ես հիմա դու, իմ լուսավոր ծխածան.
Ա՛խ, ինչու դու այդքան շուտ, արագ անցար իմ դեմից,
Իմ հուշերում թողնելով անհետացող մի կածան . . .

Ծխածանի նման դու շողողացիր մեր հանդում,
Ինչքան արագ անցար դու ու չքացար շաղի պես,
Ա՛խ, գեղեցիկ դու արտուտ, վոր սուզվեցիր մեր արտում,
Հիմա կանգնել եմ հանդում ու կանչում եմ նորից քեզ:

Ծխածաններ յես տեսա, վոր դու կյանքում չտեսար
Յեզ արևներ գեղեցիկ, վոր մեր հանդում շողացին,
Ծխածաններ յես տեսա, վորոնց յերբէք չհասար,
Յեզ ծաղիկներ, վոր գարնան լույսերի հետ խաղացին:

Շուրջս գարուն, յերգուսեր, և' կակաչներ, և' լույսեր,
Մեր նոր հանդում արևոտ նստել եմ յես առվի մոտ,
Որորվում են զանգաձե ծաղիկները այս լուսե,
Գարնանային գեղեցիկ առավոտ ե, առավոտ:

Առվի վրա կռացած, լսում եմ մի վոտնածայն
Մեկը կարծես հանդի մեջ ինչ~վոր բան ե մոռացել—
Հասկերի մեջ որորվող ծաղկի նման դու անցար,—
Խոտերի տակ նախշունի վոտնածայնն ե մնացել . . .

Մնացել ես միայն դու, ով գեղեցիկ մանկություն,
Յեզ ուռենին, և' առուն, և' մեր խաղերն են անցել,
Յեզ կակաչներն արցունքուց վաղուց սուզվել են միգում,
Յեզ գիշ Սնտոն ե անցել, և' նախշունն ե գնացել . . .

Սակայն հիշում եմ նրան, այն աղջկան հուրհրան
Կորին շողի պես դյութեց ծխածանը ու տարափ,
Նա, վոր լացով վազ տվեց ծաղկե գլխարկը զբաժ
Վաղեց, վազեց ու անդարձ կակաչների մեջ կորավ . . .

Աչքեր ուներ նա սեսե, գլխին ուներ սև մազեր,
Կարծես, կարծես յերազ եր, վոր անցել ե ու չկա.
Ա՛խ, վորքան եմ նրա հետ մեր հանդերում վազվզել,
Ա՛խ, վորքան ենք խաղացել մեր հանդերումյես ու նա . . .

Ո՛, անտառ, անտառ, ո՛, անտառ մթին,
Յեկ վայրի, և՛ մեծ, և՛ ահարկու.
Քեզ չեմ մոռանա, քանի ապրում եմ,
Քանի կարոտով իմ սիրտն ե զարկում:

Հիշում եմ ահա. անձրե եր, չշուն,
Դաղթը նետել եր ինձ մի մութ անտառ.
Բախտը չգիտեմ ինձ ուր եր քըշում
Յեկ զարհուրելի զարկում անդադար:

Անձրեն եր ծեծում իմ ուսերը մերկ,
Իմ կուրծքը անձածկ, սրունքներս բաց,
Յեկ կաթիների միալար զարկով
Տերեները թափվում եյին ցած ...

Հիշում եմ ընկա մի ծառի բնին,
Անձրեների տակ ու հեկեկացի.
Ծառերն ասացին, —մանկիկ իմ, քնիր,
Յեկ տերեները ինձ վրա լացին ...

Ո՛, անտառ, անտառ, ո՛, անտառ մթին,
Յեկ վայրի, և՛ մեծ, և՛ ահարկու,
Քեզ չեմ մոռանա, քանի ապրում եմ,
Քանի կարոտով իմ սիրտն ե զարկում:

Քնեցի յես խոր, քնեցի լացով,
Մաղում եր աշնան անձրել դեմքիս.
Արթնացա, տեսնեմ, մի փոքրիկ աղջիկ
Վերմակում ընկած քնել ե կողքիս:

Ո՞վ եր, չիմացա, չիմացա վոչինչ,
Նա շնչում եր խոր և շնչում եր տաք,
Յեկ իրար գրկած քնեցինք մենք ջինջ,
Մթին անտառում, անձրեների տակ ...

Քնեցինք վորպես և' յեղբայր, և' քույր,
Յեկ այնքան խաղաղ, և' այնքան անուշ,
Կարծես մենք ծնվել և ապրել կյինք
Հենց այդտեղ, այդ մեծ, մթին անտառում:

Ո՛, անտառ, անտառ, ո՛, անտառ մթին,
Յեկ վայրի, և՛ մեծ, և՛ ահարկու,
Քեզ չեմ մոռանա, քանի ապրում եմ,
Քանի կարոտով իմ սիրտն ե զարկում:

Հանկարծ զգացէ դեմքիս մի տաք շունչ,
Աչքերս բացի, տեսնեմ կոացած,
Ինձ իմ վերմակից մի մարդ ե քաշում,
Վոտքին տրեխներ, կողքին հրացան ...

—Վեր կաց, մանկիկ իմ, վեր կաց, քեզ տանեմ,
Անտառի մեջ կա մի փոքրիկ տնակ,
Այնտեղ կրակ կա, դու կտաքանաս ...
Դու պետք ե ապրես, շուտ վեր կաց, զնանք ...

Նա ինձ շալակեց, իսկ աղջիկը, նա,
Լաց յեղավ, չեկավ, նա մնաց մենակ,
Նա մնաց այնտեղ, անտառում քնած
Տերեների տակ, անձրեների տակ ...

Ո՛, անտառ, անտառ, ո՛, անտառ մթին,
Յեվ վայրի, և՛ մեծ, և՛ ահարկու,
Քեզ չեմ մոռանա, քանի ապրում եմ,
Քանի կարոտով իմ սիրտն ե զարկում:

3

Հեռավոր յեղբայր, փրկարար դու ձեռք,
Ո՞վ դու անծանոթ պայծառ բարեկամ,
Անտառում ընկած մեռնում եյի յես,
Դու ինձ վերահաս փրկության յեկար:

Իմ ամբողջ կյանքը քեզ եմ պարտական,
Ընկեր անծանոթ, փրկարար անդին,
Թու ձեռքով ահա մեծացել եմ յես,
Ու հասել եմ յես այս անուշ կյանքին:

Իսկ նա, յերեխ, մահացավ այնտեղ,
Աղջին այն փոքրիկ, կիսաքաղց ու խեղճ,
Այն գեղին, գեղին տերեների տակ,
Անձրէների տակ ... այն անտառի մեջ ...

Ո՛, անտառ, անտառ, ո՛, անտառ մթին,
Յեվ վայրի, և՛ մեծ, և՛ ահարկու,
Քեզ չեմ մոռանա, քանի ապրում եմ,
Քանի կարոտով իմ սիրտն ե զարկում ...

ՎՈՏՆԱՉԱՅԵԲԲ

«Զգույշ, չդիպչես շրջանակներիս» ...

1

Դանդաղ կորացող աղեղի նման
Ծովում եր որը, փակվում տրտմաշուք.
Իսկ նա դեռ նստած պարտեղի դիմաց,
Ցերազում եր լուս, չափում ու հաշվում,
Ավագի գեղին շեղներից կամաց
Շուրջը անհամար գծեր եր քաշում:

Շրջանակների վրա կռտցած,
Գլուխը հենած իր զույգ ձեռքերին,
Մտորում եր նա, յերբ մի վոտնաձայն
Ցրեց հորձանքը իր տաք մտքերի.
Յեվ նա ձեռքերը պարզելով գոչեց.
«Զգույշ, չդիպչես շրջանակներիս»:

— Դե, մեռի՛ր, ծերուկ, — ասաց զինվորը,
Շրջանակները ցըելով անձայն, —
Քնամծ եյիր դու ... եխ, հիմար ծերուկ,
Դու չլացցիր վոչ մի վոտնաձայն ...
Իսկ հիմա քնիք ... նիզակը շողաց,
Զինվորը ժպտաց և արագ անցավ ...

Փովեց նա այսպիս կապույտ ծովի դեմ,
Հոռոմեացի զինվորի ձեռքով,
Յեվ իր արյանով ներկեց ավագե
Շրջանակները. — ո, նա անտարբեր,
Մտքերում սուզված չիմացավ յերբէք,
Վոր գրավել են քաղաքը արդեն ...

* * *

Ով սիցիլիացի դու մեծ ֆիղիկոս,
Դու կապույտ կղզու անցած բնակիչ,
Դու հավետ անմեռ մաթեմատիկոս,
Յեվ հագերժ անցած աստղերի տակից,—
Յերգում եմ հմատ յես քո ելեգիան,
Այս վեճ, այս վառ արևածագին:

Նստած ծովի դեմ այդ հավերժական,
Տաք ավաղների վրա կռացած,
Կառուցում եյիր ու գծում անվերջ,
Իսկ նրանք ուազմի յերգերով յնկան,
Փոնցին շուրջը արյուն ու ավեր
Ու գրավեցին կապույտ Սիցիլիան:

Խուժեցին ուաղմի հրոսակները,
Նրանք արյուն ու ավեր բերեցին,
Հողմի պես յնկան և նիզակները
Չինայեցին յերբեք քաղաքիդ,
Յեվ քո ավոզե շրջանակները,
Յեվ ցնորքները քո այդ գեղեցիկ ...

Դու ապօռւմ եյիր մի փոքրիկ կղզում,
Ուր ստրկության կրունկն եր կոխել
Յեվ տենդում եյիր այդ փոքրիկ կղզուց,
Վոչ թե աշխարհը հիմքից փոփոխել
Այլ վոտքդ դրած մի հենակետի՝
Մեր մոլորակի պառույտը փոխել:

Մարդկային մաքի հողմուտ ծովերի
Ո՛, դու առաջին կապույտ առագաստ,
Վոր ձգտում եյիր անհաս ափերի.—
Ո՛, ավաղներում մոխրացած յերազ,
Դեռ աղմկում են վոտնաձայները
Յեվ ավաղներում, և աշխարհում այս ...

Զեր յերաղները մնացին յերազ,
Ավաղում սուզված լուսարձակներ.
Իսկ ինչ վոր հետո աշխարհում յեղավ,
Յեվ վորպես արև լույս արձակեց,
Զեղանից վոչ մի սերունդ յերբեն
Զկարողացավ զգալ ու չափել ...

2

Նա վասվեց վորպես վիթխարի արև
Մեր մոլորակի արևումուտին,—
Ո՛, հին Արքիմեդ, ո, ստրուկ դարեր,
Վոր տենդում եյիք յերջանիկ կետին
Հենել ձեր վոտքը և մեր յերկիրը
Գնդակի նման սոսկ առաջ վարել ...

Շարժվում ե հմատ մեր մոլորակը,
Յեվ մենք տեսնում ենք պտույտը նրա.
Ո՛, անդարձորեն նա շուռ և դալիս
Իր նոր, հաստատուն առանցքի վրա,—
Յեվ արեգակն և հիացքից դողում
Ու թափում անվերջ ցնծության կրակ:

Ո՛, նոր աշխարհի ստեղծագործություն,
Հողի նոր բուրմունք, ո՛, արդասավոր
Արեգակի տակ սկսվող նոր կյանք,
Ո՛, նոր մարդկության կապույտ առավոտ,
Ինչպես յերգեմ յես այս սկիզբը մեծ,
Այս լուսաբացը բորբ ու փառավոր:

Անմեռ արեգակ, վոր գուրզուրում ես
Այս մոլորակը անհուն գթությամբ
Յեվ քո շողերի ցանցի մեջ առած
Պահում ես նրան քո լույսերի տակ,
Քո սիրով շուայւ շողերով առատ
Գգվիր դռւ նրան, փայփայիր ու տար ...

Ահավասիկ մենք, ով մեծ Արքի մեղ,
Մեր ովկիանի դեմ այս փոթորկաշունչ
Նստած գծում ենք նոր շրջանակներ,
Յեվ գումարում ենք, չափում ու հաշվում,
Յեվ մեր ավաղի շեղջերին չոքած
Կառուցումներ ու գծեր ենք քաշում:

Սուզիկ ենք մտքի մակընթացության
Ստեղծագործության անձայր վոլորտում,
Ճեղքում ենք կիզիչ տնապատները,
Յեվ ճախրում ենք մենք սառուցյալ գոտում,
Սլանում են մեր սավառնակները
Արեգակների, տմակերի մոտով:

Յեվ միվ ե համել ստեղծագործության
Այսպիսի անզուսազ ալիքի թափին,
Յերբ անհնար ե մարդկային մտքի
Յեվ հերոսության թռիչքը չափել,
Յերբ ամենաթույլ առագաստն անգամ
Զի ուզում մնալ ովկիանի ափին ...

Ո՛, մտքի հուժկու մակընթացություն,
Վոր որորելով քո հորձանքները,
Դեպի աստղերն ես նրանց շպրտում,
Ռւժդին ծնծում ես անհաս ափերը,—
Ո՛, դեռ լսվում են վոտնաձայները,
Վոտնաձայները, վոտնաձայները ...

ՀԵյ, միվ ե գալիս, և վոր զինվորն ե
Ուզում կոխվրտել մեր ավաղները.
Յեվ միվ ե փորձում տաք ավաղներում
Ցրել ու մարել մեր յերազները.
Մենք ե՛ գծում ենք, և՛ կառուցում ենք,
Յեվ լսում ենք ձեր վոտնաձայները:

Յեվ մենք կլինենք վերջին զինվորը,
Վոր ավաղների վրա կռացած՝
Վերջին ավենը կշպրտենք ցած,
Յեվ մեր մատներով՝ հրով տաքացած,
Կզրենք այսպիս.—ամբողջ աշխարհում
Վոտնաձայները արդեն վերջացան ...

Յեզ այն ժամանակ, ո, վոսկի ավաղ,
Յեզ կառուցումներ, ձեզ վրա յերբեքք
Ել չի մտպլցի և վոչ մի կրունկ,
Ել չի վորոտա վոչ մի հրացան,
Կլսվես միայն, ո, դու աշխարհում
Ստեղծագործության հզոր վոտնաձայն . . .

ԲԱՎԱՆԴԱԿՈՒԹՅՈՒՆ

Եջ

* * *

Արեգակ

Արեին	9
Որեր	10
Կարոս	11
Անվերնագիր	12
Գարնանային յերգ	13
Գարնան և արեին	15
Անվերնագիր	16

Խառն յերգեր

Նամակ	21
Դիշերային յերգ	25
Պուշկինի կիպարիսները	27
Հովս եր, հովս եր շընկընկում	29
Սերմերի յերդը	31
«Կանաչ, վիթխարի ընկուղենու տակ»	32
Նամակ հորս	34


Մանր բանասիղծուրյուններ

* * *	41
Դու կմնաս միշտ պայծառ	42
* * *	43
Վոսկի սանձեր	44
Անտառում	45
Սույութլի	47

	Եջ
Անվերնագիր	48
Բացիկի վրա	49
Հիշում ես, Գուրգեն	50
Հրաժեշտ Գուրզուֆին	51
* *	52
* *	53
Ինձ	54

Պոեմներ

Զքնաղ պատանին	57
Ծիածան	63
Անտառի յերգը	68
Վոտնաձայները	71



ՀՀ Ազգային գրադարան



NL0338332

26948

ԳԻՆԸ 80 Կ.

ЦЕНА 80 Р.



ХАЧИК ДАШТЕНЦ

ВЕСЕННИЕ ПЕСНИ

ГИЭ ССР АРМЕНИИ, ЭРИВАНЬ